

Desak batal lesen nelayan asing

Sinar Harian 25/4/2019 m/s 18

1,150 nelayan menuntut campur tangan kerajaan elak nelayan asing kaut hasil laut negara

NORHASPIDA YATIM

KUALA TERENGGANU

Seramai 1,150 nelayan dari seluruh negara berhimpun di muara Sungai Terengganu bagi menuntut campur tangan dan tindakan tegas oleh kerajaan atasi isu pencerobohan nelayan asing di perairan negara.

Ahli Lembaga Pengarah Persekutuan Nelayan Dungun, Bahiyuddin Awang Harun berkata, pihaknya menggesa supaya kesemua pemberian lesen laut dalam yang diluluskan kepada nelayan asing termasuk Vietnam dibatalkan.

Beliau yang mewakili seluruh

nelayan pantai timur berkata, berdasarkan angka yang diterima, masih terdapat 100 bot diusahakan warga asing terutama Vietnam yang dikesan aktif di perairan negara.

"Kesemua bot itu aktif mengaut hasil laut dengan begitu rakus selain memiliki permit dan lesen serta bot Malaysia.

"Hasil yang dibawa balik ialah ikan baja dan 'ikan potong kepala'.

"Ikan komersial yang berkualiti tinggi, semuanya dipungkah siap-siap di tengah laut untuk dibawa balik ke negara mereka," katanya ketika ditemui pada himpunan aman nelayan pantai timur membantah pencerobohan nelayan asing, di sini, semalam.

Beliau berkata, kumpulan nelayan asing itu aktif mengaut hasil laut tanpa 'menyimpan' untuk generasi akan datang sejak lesen itu dilancarkan 15 tahun lalu.

"Nelayan Vietnam yang didaftarkan dan diberi permit untuk guna bot negara kita, jadi nelayan di tempat kita. Mereka



Kesemua nelayan yang terlibat dalam bantahan aman itu sanggup mengambil cuti selama seminggu daripada turun ke laut bagi memberikan komitmen terhadap perhimpunan aman itu.

perlu diambil tindakan kerana mereka inilah yang menjadi punca kepada masalah pencerobohan ini.

"Mereka juga menggalakkan

pencerobohan nelayan asing yang lain dengan memberi maklumat kepada 'orang kampung' mereka supaya menceroboh perairan negara," katanya.

Perhimpunan bermula jam 8 pagi hingga 6 petang itu disertai wakil dari setiap negeri antaranya Pahang, Kelantan Terengganu dan Pulau Pinang.